



Daeggoj Siengj Dang Bouxsai

小 果 要 当 男 子 汉

mbouj ca ba!”

Dahsih dingq le lienzieng haen mbouj dingz. Ma daengz ranz, Daeggoj yied siengj yied gikdoengh, cungj yaek ninz mbouj ndaek lo.

Ngoenz daihngaih gyanghaet, Daeggoj ndwn youq naj conghcueng, yawjraen daengngoengz ngamq swng hwnj haenx, ndawsim gag lwnh swheij: “Gou dwg bouxsai, gou caeug daxboh ityiengh mbeilaux!”

Seizhaenx, ndaw ranzdajcaemx cienz daeuj sing yiengcaca, dwg daxboh yungh fagdaeqmumh dien-doengh daeuj daeq mumh.

Cungj sing neix hawj Daeggoj lienziengj haujlai. “Daxboh vih maz daeq mumh ne? Bouxsai cungj aeu daeq mumh ba!” De youq ndaw fuengz de baengbeq yaep ndeu, “Mboujndaej, danghnaeuz gou mbouj daeq mumh, yienghneix gou lij dwg lwgnyeuz bw!”

Caj gwn haeuxcaeux sat daxboh hwnjban le, Daeggoj laeglemx aeu fagdaeqmumh dienhdengh daxboh daengz ndaw fuengz de, dajsuenq daeq mumh de. Hoeng de yawj ndaw gingq haujlai nanz, cungj ra mbouj ok saek diuz mumh daeuj.

Daeggoj yaepyaep aenda, sawq-mwh siengjhnj aen banhfap ndei ndeu, swheij mbouj dwg miz bwnda ha? Bwnda caeug mumh yawj hwnjbae ca mbouj geijlai, hixnaengz aeu bwnda daeq bae ndaej lo! Gangj guh couh guh, Daeggoj geij faen cung couh daeq song diuz bwnda bae ndoqndat lo. Yienzhaeuh saenzheiq vauvau bi aen’ gyaeuj de, doiq aengingq naeuz: “Neix cij dwg boux vunzsa biucinj he!”

Daeujdaengz hagdangz, daihgya baez yawjraen Daeggoj, cungj gyaengjyouq lo, miz vunz lij goemq bak riu dem, Dahsih lanz Daeggoj

cam: “Daeggoj, bwnda mwngz bae gizlawz la?”

“Gou daeq bae lo!”

“Bwnda dwg canggyaeu hawj vunz ndei yawj, mwngz daeq de bae, yakyawj lai lo!”

“Gou hag daxboh gou, daxboh gou dwg bouxsai mbeilaux he, moix ngoenz cungj daeq mumh, gou mbouj miz mumh couh daeq bwnda lo.”

Dahsih dingq Daeggoj gangj le, riu dwk hwet gungj bae, naeuz: “Hag bouxwnq, aeu gaengawq gij diuzgen swheij, vunzhung daeq mumh couh bienq ndaej engq mbauqndei, mwngz daeq bwnda cij bienq ndaej engq yakyawj!”

Daeggoj dauqdaej mingzbej gvaqdaej lo, ganjgip siengj banhfap hawj bwnda swheij vaiq di maj okdaej.

(Sunh Yingjcauh)

Najriu Gvaq Saedcej

微笑着面对生活

Ngoenzneix, gou youq gwnz dennauj yawj duenh sibinz he, dahniq ndaw sibinz heuh Yangz Bei, mwh de lij iq aenvih loeklak daemj dien, song fwngz deng goeng lo, gwndaen mbouj gag leix ndaej. Hoeng de mbouj fug gij minghyinh neix, de yungh gij eiqceiq giengienz dingnanz de, hag rox le yungh din guh saeh: Swiq naj, cat heuj, roi gyaeuj, gwn haeux. Engq sawj vunz siengj mbouj daengz haenx dwg, de gingqyienz yungh din cin cim nyib doxgaiq, yungh din siuq cibcihsuq, baengh cungj dinfwngz neix gvaq ndei saedcej.

Yawj Yangz Bei gwnz vujdaiz, najrongh najriu, gou youh gag siengj hwnj Haijlwnz Gajlwz boux cozyah, gyauyuzgyah mizmingz Meijgoz neix. Mwh de ndaej bi buenq, aenvih fatndat daiq sang cix dingq mbouj nyi yawj mbouj raen, doengzseiz hix gangj mbouj ok vah lo, aen seiqgyaiq

de daj seizhaenx hwnj couh bienq-baenz laepsaeng caeug caemdingh. Hoeng couhdwg youq cungj cingz-gvang yienghneix, Haijlwnz Gajlwz mbouj fug cungj mingh rwix neix, de haekfug cungjgungj gunnanz, hag rox doeg saw, sij cih, gangj vah, doeklaeng baenz boux vunz doiq sevei miz yungh he.

Lienziengj daengz gou swheij, gou miz fwngz miz din, seiq genga ndei raeuh, ndaw gwndaen, hagsib bungz daengz di dwgrengz he couh lau, mbouj siengj bae guh, ra gak cungj leixyouz daeuj doi gij cwzyin swheij, yaeuh lauxsae, muenz bohme, roxnyinh swheij gig ak gig coengmingz. Gaxgonq gou cungj roxnyinh lumj Yangz Bei, Haijlwnz Gajlwz cungj vunz neix gig hojlien, souh baenzlai haemzhoj, dwgrengz bae gvaq saedcej. Seizneix siengj-siengj, gou cij dwg bouxvunz hojlien! Seizneix youq aen sevei



▲ Yangz Bei yungh din siuq cibcihsuq.

neix dwg baengh bonjsaeh gvaq saedcej, yienznaeuz gou seizneix saedcej gvaq ndaej gig ndei, mbouj you gwn mbouj you daenj, hoeng cungj miz ngoenz ndeu gou yaek biek bohme bae, gag gvaq saedcej, seizhaenx gou wnggai baenzlawz gag bae gvaq saedcej ne?

Ngoenzneix gou rox lo: Gunnanz caeug daemjdengj dwg gizgiz seizseiz cungj miz, raeuz ndaej guh haenx couhdwg siengj banhfap haekfug gunnanz, lumj Yangz Bei yienghneix giengienz, sim’angq bae gvaq saedcej.

(roek nienzgaep Ganz Yizfanz)

Suenbyaek Daxgoeng

爷爷的菜园

Byaij dwk byaij dwk, suenbyaek daxgoeng daengz lo. Lij caengz haeujbae, gou couh yawjraen baenz roix baenz roix makit diuqbeiz dwk daj ndaw ciengzhumx ndonj okdaej, lumjdwg angqcoux gou nei! Gou ngiengx gyaeuj yawj, ya, lij miz roix makit he maj youq gwnz ganjdienhsienq ne! Caen ndeiriu.

Byaij haeuj suenbyaek bae, gou engq dwg haenhndei mbouj dingz. Daxgoeng ndaem le haujlai byaek: Miz mak-yungz ndingyanyan, byaekheu heuyayau caeug gvsei raezrangrang, mboujgvaq ceiq haeuj da gou dwg lwgbieng heuswdswd haenx. Gou sikhaek gvaqbae mbaet aeu aen ndeu, “Aeya! Dwg gijmaz doxgaiq camz gou ha?” Daxgoeng riuhaa vix gij oen iq gwn gaeu lwgbieng, o, laxlawz dwg lwgbieng diuqbeiz iet ok oen iq camz fwngz gou, hwhw, dwg mbouj dwg raen gou daeuj-daengz le biuji gyaez gou ha?

(sam nienzgaep Ciengj Hangz)



Gaiqfwngz Daxmeh

妈妈的手

hawj daxmeh sinhoj baenzngoeng haenx naengh ndaej cwxcaih.

Gou gyaez gaiqfwngz daxmeh giengienz haenx.

Moix baez doek fwn, gou youq bakdou hagdangz, yawjraen aen ndang sugsed he. Daxmeh yaengx aen liengj saeklamz he, vih gou gang ok aen mbwn mbouj miz fwn he. Hoeng daxmeh cix deng fwn rwed dumz lo. Gou naeuz: “Daxmeh, liengj nyeng lo.” “Mbouj nyeng ha!”

“Hoeng aenliengj caen nyeng lo.” Gou mbouj ok sing lo, gou siengj bienqbaenz go faex hung he, vih daxmeh dangj rumz cw fwn.

Gaiqfwngz daxmeh, dwg aen gangjvanh mbouj miz rumz he; gou dwg aen ruz iq he, dingdingh dingz youq ndaw gangjvanh. Moix baez gou gaem gaiqfwngz daxmeh, ndawsim couh raeujrubub. Gou gyaez gaiqfwngz daxmeh, hix gyaez daxmeh.

(sam nienzgaep Couh Veihlinz)

Gou gyaez gaiq fwngz daxmeh gaengxyaek haenx.

Moix baez gou cuengqhag ma ranz, de couh yungh gaiqfwngz gaengxyaek de guh ok buenz byaek ndeigwn he, hawj gou gwn ndaej imq gwn ndaej van. Gou siengj bienqbaenz aen sahfaiz umqnem he,